

《華嚴經普賢行願品》 補充講表

◎附表七：以下糅合《普賢行願品親聞記》《普賢行願品輯要疏》《普賢行願品隨聞記》
○若此惡業，有體相者，盡虛空界，不能容受。

◆據理而言，苟能懺之惡業清淨者，所獲功德，亦盡虛空界，不能容受也。如闇室之暗，遍滿一室，經歷千年，其暗如故；須臾燈光照室，其光所遍分量，一須臾頃，便與室中千年之暗，分量齊等。

※《十住毗婆沙論》卷第六云：「此懺悔一念之善，如有形色者，大千世界，不能容受。」

◆以敵對相翻，一一即真功德故。（以上糅合《普賢行願品輯要疏》）

◆此懺悔一念之善，如有形色者，大千世界，不能容受。

△《論語·顏淵》：「顏淵問仁。子曰：克己復禮為仁。一日克己復禮，天下歸仁焉！」

※《四書蕩益解》云：「乃依解而起思修，所謂克己復禮，不同無聞暗證。」

*漢武帝《輪台罪己詔》

○遍於法界，極微塵刹，……恆住淨戒一切功德。

※《普賢行願品隨聞記》云：「昔因三業以造惡，今用三業以遷善。對諸佛菩薩之前，至心

懺悔，永不為惡。故云：【後不復造】。即已造之惡，斷其相繼；

未生之惡，不令再生。恆住淨戒一切功德者，淨戒不出清淨三業，

三業清淨，自具功德。此即已作之善，令增；未生之善，令生也。

戒德難思，稱性周遍，守護正法，莫之與京。」

◆莫之與京：指沒有什麼比它更大，形容極大也。

○如是虛空界盡，眾生界盡，……身語意業，無有疲厭。（以下糅合《普賢行願品親聞記》）

◆人人皆應懺悔業障。若自以為無業障者，即是愚癡人。因普賢菩薩尚自念所造惡業，設

有體相，盡虛空界不能容受。凡夫業重障深，詎可不懺！又者懺悔有能懺十心，所懺十

心。佛法救度眾生，為令眾生知病服藥也。今生縱未造業，而過去之業，已無量無邊，何況今生，難免不造，故應誠心懺悔。茲先講所懺十心，次講能懺十心。

◆所懺即所治順生死十心，此心如廁蟲樂廁，不覺不知。（此為集諦：起惑造業）

- 一、妄計人我、起於身見：妄認四大假合為自身相，六塵緣影為自心相。
- 二、內具煩惱，外遇惡緣，我心增盛。
- 三、內外既具，滅善心事，不喜他善。
- 四、縱恣三業，無惡不為。五、事雖不廣，惡心遍布。
- 六、惡心相續，晝夜不斷。七、覆諱過失，不欲人知。
- 八、虜扈抵突，不畏惡道：虜扈者，即不受規諫，性剛強也。抵突者，即與人抵抗也。
- 九、無慚無愧，不懼凡聖。十、撥無因果，作一闡提：梵語闡提，此云斷善根。

◆能治逆生死十心：（此為道諦，目的對治集諦）

一、明信因果：以治前第十心。二、自愧克責：以治前第九心。三、怖畏惡道。

四、不覆瑕疵。五、斷相續心。六、發菩提心。

七、修功補過：發菩提心須起行，以持戒修福功德山，填罪過之河，對治第四為惡心。

八、守護正法：對治第三不隨喜心。

◆能受持以上八條、即成就作法懺。

九、念十方佛：治第二惡知識緣。一方面作法懺，一方面還要取相，以懺宿現二業。

◆念佛屬取相懺也，但十方佛甚多，如何能盡念之？會念者，念一佛即是念十方佛；

「十方三世佛，同共一法身，一心一智慧，力無畏亦然。」

◆念成感應道交，取得好相，不惟現業消滅，過去之業一并懺除。

十、觀罪性空：以治第一身見。觀罪性空，即實相懺。

※《中觀論》·觀四諦品云：「未曾有一法，不從因緣生，是故一切法，無不是空者。」

※《觀普賢菩薩行法經》云：「一切業障海，皆由妄想生。若欲懺悔者，端坐念實相；眾罪如霜露，慧日能消除。是故應至心，懺悔六情根。」

○復次，善男子！言隨喜功德者。（以下糅合《普賢行願品輯要疏》）

◆隨：是隨順平等，即隨順一切凡聖平等之心。喜：是歡喜，不厭惡意。謂隨其見聞，無問大小，乃至一毫之善，一塵之福，皆歡喜也。（以下糅合《金剛經講義》）

◆若修功德而著相，則功德成為福德；若修福德而不著相，則福德即是功德。

※《占察善惡業報經義疏》云：「隨喜，滅嫉妒障，故亦名悔。一切諸佛，三乘聖眾，六道凡夫，並皆在我現前一念心中同一體性，本無彼此。由我執故，妄計自他而生嫉妒。今悔此過，深於一切凡聖平等起隨喜心，則是攬法界善以為己善，其善乃大，豈必獨自運心動身口業以為善哉！現見他人攜燈，亦蒙其照；他人然香，亦被其熏。同體善根，分明若此，奈何癡障，不知承荷，反生嫉妒耶！」

※《佛說四十二章經》云：「佛言：【覩人施道，助之歡喜，得福甚大】。沙門問曰：

【此福盡乎？】佛言：【譬如一炬之火，數千百人各以炬來分取，熟食除冥；此炬如故，福亦如之。】」

※《佛說四十二章經解》云：「此第十章，明隨喜功德，自他兼利，福無窮盡也。施道有

三：資生施，謂以財濟其貧窮。二、無畏施，謂於難中拔其憂苦。三者、

法施，謂以三學令得四益。不惟自行三種施道，得福甚多，「即使見他行

施，助令歡喜，福亦無盡」。沙門下，釋疑。恐有愚人正行施時，見他隨

喜，懼他分我功德，故以「炬火如故」曉之。蓋不惟無減於我，而福報展

轉殊勝矣！昔有二人採花，一自供佛，一轉施人供佛。以問彌勒，彌勒曰：

自供者，成辟支佛果；施人者，成無上菩提。蓋獨樂不若與人，與少不若與

眾，世出世道，無不皆然也。熟食，喻成聖果。除冥，喻破三障。」